

蒙兀兒史記

結一宦主人自題

圖書

卷九 紀事 一 官人 七 理

拖雷列傳第十五

蒙兀兒史記卷第三十三

武進屠寄纂

拖雷

秘史舊史名同蒙古源流作托壘官本元史改作圖類洪諱辣施特書作圖里

成吉思第四子。斡歌互可汗同母

弟也。性孝友。幼爲祖母訶額侖所鍾愛。稍長。英武有謀略。成吉思

征伐所至。常攜以自隨。呼爲那闊兒。

亦作那可兒義謂伴當

蒙兀人通稱爲也

客那顏

親征錄作也可那顏義謂大官

次兄察阿互與長兄拙赤不睦。恆輕視之。至斥

爲蔑兒乞種。拖雷獨兄事拙赤。惟謹。歲壬申。與駙馬赤古先登攻

拔金德興城。從征西域。別將一軍渡阿梅沐漣。略定呼羅珊部。語

在西域傳。歲乙酉。成吉思分封諸子。蒙兀俗。少子守父產。拖雷以

少子故。分得斡難沐漣上源及合刺和林之地。

兼有額垓兒河上地則乃蠻之東部境

其

地本蒙兀先世舊居。及客列亦惕王罕故土。成吉思四大斡兒朵

思所在也。是秋。成吉思征西夏。拖雷以妻莎兒合黑塔泥病痘。緩

行數日。後追從之。車駕在途。皇孫闊端古余克來求賞。成吉思謂

之曰。諸物已盡與拖雷。彼家主也。

少子守產之義

其後拖雷以衣物分餽之。

丁亥七月。成吉思殂於靈州。皇子諸王奉梓宮北還。葬禮畢。各歸

本部。拖雷監國以待立君。戊子秋。遣使召集諸王駙馬萬戶千戶

等官。期以明年夏爲也客忽里勒塔。先是成吉思嘗有旨。欲以斡

歌互汗爲嗣。及期大會。宗親大臣有異同。議四十日不洩。語出多桑書拖

雷與察阿互遵遺詔。定策立斡歌互汗。秋八月。斡歌互汗遂卽位

於客魯漣。沐漣之闊迭兀阿刺勒。是時西夏已亡。惟殘金假息河

南。常圖恢復河北。斡歌互汗期一舉殄滅。知拖雷同心。密與計畫。

庚寅七月。拖雷帥子蒙格暨諸王阿勒赤互口溫不花等各以所

部兵從駕南伐。渡河。拔韓城蒲城。舊傳云破天成堡。拔蒲城縣。按天成縣屬大同府。非堡名也。蒲城在河西岸。必渡河乃得拔舊

傳拔蒲城在渡河之前誤聞金平章完顏合達參政移剌蒲阿守鳳翔。進攻之前

軍戰不利。汗與拖雷往援。合達乃退。明年二月。遂克鳳翔。五月。扈

駕出邊。避暑官山。汗集行在諸王將議平金之策。曰。人言耗國家

者。莫如寇敵。今女眞未殄。實吾敵也。諸君寧無計乎。舊傳此下有拖雷進曰。臣有愚計。非

眾可聞。帝屏左右問之。其言祕世莫知也。二十五字。然考後來行軍事。實仍不出李國昌所言。蓋史臣欲歸功拖雷。故爲飾詞耳。今刪正之。眾莫以對。始鳳翔

下時有降人李國昌言於拖雷謂金人遷汴二十年恃黃河潼關

爲固若出寶雞道漢中不一月可達唐鄧金失其險首尾不相顧

我師取之如探囊底物矣拖雷然其計及是以聞汗喜謂諸王將

曰拖雷所言上符成吉思可汗遺策眞賽因也賽因猶華言大好

云遂定議三道進兵期以明年春會汴先遣主卜罕如宋假道并

約夾攻行至青野原地名見陳經通鑑續編爲宋統制張宣所殺時拖雷已將

右軍由鳳翔渡渭過寶雞入小潼關將涉宋人之境沿漢而下聞

之大怒曰彼昔使苟夢玉來約何遽殺我使且食言非信背盟非

義棄好非仁忘仇非勇吾師有名矣遂總三萬騎入大散關關在今鳳縣東

北百二十里破鳳州徑趨華陽華陽北魏郡縣名故城在今沔縣東南四十里攻武休關在今鳳縣西南百餘里開生山

截焦崖焦崖棧道名出武休東南遂圍興元時宋制置使桂如淵守興元即今漢中府屠洋州分一

軍由沔西取大安軍路大安軍在今沔縣西七十里開魚鰲山山在寧羗州東南七十里撤屋爲筏

渡嘉陵江入八關堡八字關在今保寧府蒼溪縣北八十里竝江趨葭萌略地至西水縣

西水縣故城在今南部縣北百里破城寨百四十而還十一月至興元洋州間

與東軍合

時桂如淵知不敵已許李國昌之請助蒙兀軍糧

進饒風關

關在今西鄉縣東北百二十里

遂由金取房

金州今與

安府治安康縣房州今鄖陽府房縣

前鋒三千人破宋兵十萬於武當山

山在今均州南百二十里宋地也舊傳以為破

金兵天誤今改正

趨均州十二月戊辰由峭石灘浮騎渡漢水而北

今均州東南十五里

有亂石灘即峭石灘

金諸將欲乘我軍半濟擊之蒲阿不從甲戌我後軍畢渡

拖雷遣夔曲涅帥千騎馳白行在時汗方詣河

河舊傳誤作漢水今改

將分兵

南應拖雷會夔曲涅至即遣返報約南北會師焉拖雷既渡漢謀

知合達蒲阿步騎十五萬據鄧州西禹山之險以待

山在今順陽縣東南三十里

當

是時拖雷總七提控兵

七提控亦作七頭項考之舊史列傳為速不台忽禿忽生薛夔曲涅劉黑馬按竺邇札刺兒後札刺兒失律代以額勒只吉歹

凡三萬騎金兵四倍之惟步多騎少

蒲阿傳云騎二萬步十三萬俄將伊瓦林帖木真用兵論云步兵十五萬抑若絕無

騎兵者非也

拖雷乃悉留輜重輕騎以進丙子日未出次禹山拖雷以兩

小旗前導

金史移刺蒲阿傳所謂大帥即拖雷也

離陳覘敵見金步騎傳山前後陳因揮

我軍作雁行繞山掠敵陳一市分三面進拖雷在東以驍騎突合

達前列別將在西者望見蒲阿躬擐甲騎而督陳則自後犯之短

兵接戰三交南向佯卻以誘敵敵不為動遂就匿光化對岸棗林

中晝作食。夜立騎以待。遣謀十人敝衣羸馬。僞亡入金師。泣懇艱苦。金人信之。與之酒食。易衣騎。置諸陳後。十人者策馬逃歸。因盡得彼中虛實。己卯。金邏騎往來林外。相去不五六十武。伺我軍寂無聲。明日辰巳間。金大兵過林後。我軍突出擊之。乍交綏。敵即棄輜重走。不復成列。我軍舉燧夜追之。比至鄧。敵已入保城。攻之三日不下。相持至歲除。明年正月壬午朔。金人耀兵城下。拖雷不與戰。使人向金帥索酒。得二十瓶。以飲諸將。拖雷亟欲與汗會師。集諸將議。謂頓兵堅城下非計。明日徑帥大軍踰鄧而北。命札刺兒將三千騎殿後。札刺兒契丹人時台達等慮我軍直襲汴。亦棄鄧。盡帥所部躡我後。甲午。次五朵山。顧祖禹方輿紀要云。百重山在南陽府城北七十里。山巒重複。幾及百里。其最著者曰鹿鳴。武陽。亂石。拓禽。鯉魚。五山皆高峻深險。乃三鷗之第一鷗也。寄案鹿鳴等五山。即所謂五朵山也。取鷗路。紀要曰。南陽府北六十里有故向城。又北有石川嶺。而北即三鷗之第二由。故向城而北又八十里。有魯陽關。入魯山縣界。即三鷗之第一府。北七十里分水。鄧二州以魯陽關分界。荆豫經途。斯為險要。北朝周齊視為必爭之地。寄按魯陽關在今南召縣北五十里。關之北即屬魯山縣也。明日曉行。大霧迷道。金萬騎來襲。札刺兒殿後之軍

小卻。多所折傷。拖雷怒其失律。代以額勒只吉歹。

名從祕史舊傳作野里知給歹

是日

雨。金軍宿竹林中。庚寅。頓安皋。辛卯。宿鷗路。魯山河。癸巳。我軍駐

沙河北

沙河在今葉縣北

拖雷命失吉刊忽禿忽以五千騎誘敵。敵奪橋而

過。我軍西首斂避之。金兵縱。我軍不與戰。卻南渡沙河。敵欲盤營。

我軍復渡河往襲。金兵不得炊宿。合昏雨作。明旦變雪。拖雷以萬

騎尾敵。且戰且行。至黃榆店。望鈞州二十五里。

鈞州今禹州。州西南二十里有三峰山。又西五里黃榆店。

雪盛不能進。日且莫矣。兩軍相持駐營。三日。拖雷號於軍曰。毋令

彼得休息。終夜鼓譟以擾之。

速不台傳謂城居之人不耐勞苦。數挑戰以擾之。乃可勝也。此役正用其策以致勝。

丙申。雪

益甚。時汗已由白坡濟河。

汗以丙戌濟河。計至是已十有一日矣。

先遣諸王口溫不花等

帥萬騎來會。

蒲阿傳云。望北兵二十萬。約厚二十里。蓋并汗所將大軍言之。時汗軍止隔一日程。故自三峰山上已望見之。其實拖雷所將止三萬騎。口溫不花等

援軍止萬騎。合蒙兀南北兩軍。丙申日戰於三峰者共四萬騎耳。

伐大樹塞敵前路。會合達等軍中得金主

密諭。言北騎已達衛孟。促召入援。丁酉。雪不止。金裨將楊沃衍拔

樹開道。完顏彝帥眾為前鋒。至三峰山。彝先據山上大勢。武仙高

英傳山西南麓。都尉樊澤及沃衍擁山東北麓而陳。拖雷欲擊之。

諸將請待汗至。破之未晚。拖雷曰。機不可失。彼脫入城。未易圖也。

況大敵當前。敢以遺君父乎。則佯卻以誘之。時金郎將按忒木提控步軍張惠。草山望見我軍勢卻。卽揮騎萬餘乘高下擊我軍。回拒之。戰方酣。雪大作。白霧彌空。人不相覲。戰地多麻田。往往耕四五過。積雪盈尺。人馬所踐。泥淖沒脛。彼軍有三日不食者。被甲胄。疆立雪中。槍槊結凍如椽。拖雷合南北兩軍圍之數重。令士番休。奉雪沃面。析薪爇火。割牛羊肉炙而啖之。久之。料敵憊。故開一角。向鈞州路。縱令走。別伏軍前路夾擊之。金師大潰。聲如崩山。天忽開霽。日光皎然。前阻大澗。闊長數里。不得踰。爲我軍縱殺殆盡。流血被道。資杖委積。金之精銳盡於此矣。餘眾欲迸走。睢州伏兵起。又敗之。

金史蒲阿傳曰。武仙率三十騎入竹林中。楊樊張三軍爭路北。兵圍之數重。及高英殘兵共戰於柿林村南。沃衍澤英皆死。惟張惠步持大槍奮戰而殲。

合達

彝沃衍以數百騎走入鈞州。蒲阿走汴。至望京橋。就獲。明日車駕至。按行戰地。顧謂拖雷曰。微汝不能破敵。神速如此。拖雷從容對曰。此天之威。可汗之福。臣何力之有。聞者服其不伐。從拔鈞州。獲合達殺之。旣而有人來。自言金大將欲謁拖雷白事。數騎夾詣行。

帳前問其姓名曰我忠孝軍總領陳和尚也。大昌原之勝我也。衛州及倒回谷之勝亦我也。我死亂軍中。人將謂我負國。今日明白死。天下必有知我者。勸之降。不可。斫足脛折。不屈。割口吻至耳。喫血而罵。至死不絕聲。拖雷義之。酹以馬湏。祝曰。好男子。他日再生。當令我得之。陳和尚完顏彝小字也。尋從拔許。遂圍汴。會汗許金人和。夏四月。扈駕北還。由半渡入眞定。過中都。出北口。居庸北口避暑官山。五月。汗暴疾失音。六月。疾甚。師巫視之。謂金國山川之神。以我殺戮過多爲祟。此巫殆以術諫非犧牲玉帛所能禳。惟親人可代之。拖雷乃禱於天曰。昔我皇考成吉思可汗。擇於諸子。惟兄幹歌歹是賢。授之以大器。命予拖雷左右之。有如不可諱。拖雷孰輔。孰爲眾達達主。且使金人之心。惟予拖雷多材多藝。能事神鬼。今請以拖雷代幹歌歹之身。若有辜。惟拖雷是罰。遂命大巫弔之。取鬻被之水而自飲焉。居數日。汗疾果瘳。拖雷從還漠北。行至阿剌合的思。阿剌合的思義謂山井。疑卽今烏喇特旗北之阿雷克井。遇疾而薨。年四十有闕。辣施特書作四十歲。則有闕二字似可省。蒙格汗初

立追尊諡曰英武皇帝。廟號睿宗。歲壬子十二月。合祭昊天。后土。以成吉思汗暨拖雷配。至元二年。以英武之諡與成吉思汗聖武相近。改諡景襄皇帝。至大二年。加諡仁聖景襄皇帝。冊曰。詣泰壇而請命。有稱天以誅之文。薦清廟而致嚴。蓋古昔相承之典。剛辰爰卜。遺美載揚。欽惟睿宗景襄皇帝。孝友溫恭。聰明睿哲。屬我家肇造於朔土。佐聖祖。遄征於四方。逮天討之奉行。致皇威之遐暢。金源假兩河之息。天水渝通好之盟。遂移秦隴之師。爰有袞斜之舉。既平南鄭。順流而東。再涉襄江。自上而下。乃眷三峰之捷。實開萬世之基。脣既亾而齒亦寒。號可伐而虞不臘。適英文之違豫。圖中夏之底寧。毋作神羞。請以身代。爰俟金滕之啟。已知寶祚之歸。迪我後人。昭茲明命。徽稱顯號。雖擬諸其形容。玉檢金泥。尚未遑於潤色。謹奉玉冊玉寶。加上尊諡曰仁聖景襄皇帝。伏惟端臨。辰坐。誕受鴻名。億萬斯年。永錫繁祉。

元文類
劉廣撰

正如莎兒合黑塔泥

舊史后
妃表

魯忽帖尼洪諱多桑
書作唆魯禾帖尼

客列亦氏

舊史睿宗
傳恣烈氏

王罕弟札合敢不之女也

札合敢不
大方通鑑

作阿
鉗部

生蒙格可汗忽必烈可汗旭烈兀汗阿里不哥旭烈兀阿里不

哥自有傳

忽都秃拖雷次子。不詳其母氏。歲乙未。與皇子闢出

同侵宋

忽都秃舊史世系表作忽覲都此據察罕
阿剌罕二傳及虞集曹南王世德碑譯音

末哥拖雷第九子也。不詳

其母氏族

舊史世系表列末哥於撥綽之後殆以年齒長幼爲序食貨志列末哥於撥綽之
前蓋以適庶爲序王憚中堂事紀稱爲皇帝摩哥其印稱玉寶殆世祖因母弟之

親命爲假皇帝使監六盤等處軍國事故有此稱然辣施特
書云唆魯和克台別姬適圖里生四子則末哥非世祖母弟

古余克可汗之殂末哥

與巴秃汗等定議立蒙格可汗。歲丁巳。賜食河南府五千五百五

十二戶。辟陳天祐爲總管。明年。從汗分道伐蜀。末哥一軍由洋州

入米倉關。承制得便宜從事。速哥李庭玉諸將咸受節度。蒙格可

汗殂於合州。時皇弟忽必烈方圍鄂。末哥自蜀密使以凶問來告。

且請北還。時郝經在鄂軍中。建議召旭烈兀阿里不哥及末哥會

喪和林。蓋知末哥有擁戴心也。忽必烈可汗班師至衛。遣趙良弼

如京兆。訪察秦蜀物情向背。良弼還報。謂惟末哥無他心。可悉委

以西南六盤事。汗既卽位。推恩宗室。賜末哥銀二千五百兩。末幾

薨。子昌童。中統二年。封永寧王。改其父玉寶爲金印駝紐。作三臺。

文曰永寧王印

事見中堂事紀據此知末哥即薨於中統二年

孫伯帖木兒曾孫伯顏帖木兒先

後嗣爵

拖雷有庶子曰不者克

名見蒙文祕史卷十一舊史宗室世系表及牙忽都傳均作撥綽即不者異文克其尾音

母曰馬一實乃蠻真氏

乃蠻真牙忽都舊傳作乃馬真

不者克驍勇善騎射斡歌互可

汗命帥所部從巴禿汗西征歲丁酉入乞卜察兀皇姪蒙格帥左軍向寬田吉思海禽乞卜察兀別部酋八赤蠻及阿速酋客察兒斡豁刺先是八赤蠻爲蒙兀所敗逃去久之招集盜賊以命爲流寇乘閒出沒以苦蒙兀軍時時劫掠行旅道路爲之梗塞巴禿以探馬赤軍討之則竄身亦的勒河畔森林間轉徙無常居以故難於捕獲及是蒙格造小艦二百艘艘載百人與不者克各帥艦隊之半窮搜兩岸林麓見一老婦於蒙兀新棄之營陳處檢拾遺物詢之知八赤蠻已棲遁海島中

其島即亦的勒河入裏海口之三角洲也

欲入海追討是處

適無舟楫將回軍矣忽大風起刮海水去蒙兀軍遂徒涉河至島出不意生致八赤蠻其眾溺死并見殺殆盡八赤蠻祈速死願蒙格加以手刃蒙格命不者克斬之是年冬大軍入斡魯速一歲之

間分克其烈也。贊諸名城還軍而東。不者克與諸王昔班不里再侵入乞卜察兀別部蔑里姆之國。斡歌互汗論是役西征前後功。

不者克與速別額台居最。賜號把阿禿兒。

以上據多桑蒙兀史。嚕卜嚕克書及蒙文祕史以補舊傳之闕。

歲

丁巳。蒙格汗賜諸王妃主功臣食邑五戶絲。不者克分得蠡州三千三百四十七戶。中統初。親王阿里不哥僭號漠北。其黨阿藍荅兒帥兵至西涼。與渾都海合。忽必烈汗命不者克與諸王合丹督總帥汪良臣往討。大敗諸姑臧。斬阿藍荅兒渾都海。明年冬。阿里不哥渡漠來犯。從駕親征。遇敵於昔木土納兀兒。不者克將中軍。諸王合丹駙馬納陳將右軍。諸王塔察兒及太丑台將左軍。遂戰。右軍斬敵將哈丹豁兒赤及斡亦剌軍三千人。中左二軍乘勢分擊。大敗之。追北五十里。阿里不哥北遁。又明年。承賜行軍印及金銀海青符各二。總督諸軍討李璫於益都。璫退保濟南。樹柵鑿塹。築環城圍之。自四月至於七月。城破。獲璫。大明湖中。縛至帳前。命斬而磔之以徇。

以上三役之不者克紀傳多作哈必赤。即汗撥綽之異文也。惟阿兀傳云中統三年從諸王拜出帖哥征李璫有功。所謂拜出亦即撥綽異文而音尤近。

益信哈必赤與撥綽實係一人蓋世祖時諸王中撥綽最老於軍事故每用以總督諸軍焉

至元三年夏賜金素幣四娶察渾

蔑兒乞氏生子薛必烈傑兒薛必烈傑兒娶翁吉刺氏生牙忽都

牙忽都年十三忽必烈可汗命襲其祖父統軍至元十二年從北

平王那木罕備邊阿力麻里河平王昔里吉有異志舊傳作失列吉遣人誘

脅之牙忽都不從事那木罕益忠謹巴兒忽惕把阿秃兒粘闥牙忽都舊

傳作八魯渾拔都兒粘闥與海都通帥其屬引去那木罕遣牙忽都將兵追禽之

明年脫黑帖木兒舊傳作脫帖木兒藥木忽兒舊傳作約木忽兒之劫那木罕而奉昔

里吉以叛也生致牙忽都拘繫之牙忽都與那木罕近臣那台等

謀逃歸事覺那台等被殺復繫牙忽都困辱備至十四年諸王忽

魯互闊列堅之孫忽察之子後封河間王舊傳作兀魯兀台丞相伯顏帥師討叛昔里吉藥木忽兒

迎戰於幹兒洹水牙忽都潛結赤斤帖木兒土土哈舊傳作秃秃哈亂其陳

因得脫走歸京師須髮盡白汗閔之賞資甚厚十八年加封耒陽

州五千三百四十七戶二十年命設本部斷事官明年與土土哈

同討海都牙忽都先進邏得謀者知虛實直衝敵陳破其精兵走

海都奪還所俘軍民朵兒朵哈上其功。賜鈔幣鎧甲弓矢二十四

年。乃顏叛遼東。遣使來誘河間王也不干。也不干應之。引兵東趨

客魯漣大帳。成吉思第一大斡兒朵思也時北安王那木罕再出防邊。駐軍塔米兒

河。舊傳作帖木兒河遣親王闊闊出。後封寧王忽必烈汗第八子指揮土土哈等帥眾追之。那

懷之民擾攘不知所從。那懷蒙兀語新也。俄羅斯語同。亦作諾威。所謂那懷之民。謂往年闊列堅西征時所招之欽察康里等種新附民在其孫

也不干部下者牙忽都將三百騎進至阿赤忒之地。會那木罕帳下速

勒都思部兵逃去。速勒都思舊傳作遜篤思牙忽都諭之還。時忒必禿忽兒霍台

誘蒙兀軍二萬從乃顏。牙忽都知之。夜襲其河上軍。疑客魯漣河上突入帳

中。遇忽都蔑兒干。舊傳忽都滅兒堅幾獲之。閒道逸去。二十七年。海都入寇。

時朵兒朵哈方居守大帳。詔遣牙忽都同力備禦。軍未戰而潰。牙

忽都妻孥輜重在不思哈刺嶺上者。悉為藥木忽兒明理帖木兒

所掠。牙忽都與其子脫烈帖木兒亦相失。獨與十三騎奔還。忽必

烈汗撫慰嘉歎。封鎮遠王。鎔金銀印。妻以翁吉刺氏女。并厚其資。裝賜之。復命納里忽徹徹不花往撫其部屬之同時被剽掠者。分

賜以籍浸故相桑哥之家財。仍各賜白金五十兩。珠一酒卮。鈔幣稱是。又命牙忽都居守北安王第二帳。王薨。汗命掌大帳。固辭。鐵穆耳汗立。常侍左右。大德三年。海山汗以懷寧王撫軍漠北。請以子脫烈帖木兒從。五年。海都篤哇入寇。先後大戰於迭忒里古合。刺合塔之地。王師頗失利。脫烈帖木兒將兵千人翼衛懷寧王。力戰功多。在軍十年。鐵穆耳汗殂。太子德壽前薨。安西王阿難荅明理帖木兒阿里不哥之子謀奉巴牙兀可敦稱制。成宗皇后伯岳吾氏牙忽都持正義折

之。海山汗入繼大統。以其父子勞効忠勤。未改元。卽進封牙忽都楚王。賜金印。置王傅。以駙馬都尉都剌哈之女弟翁吉刺氏爲楚王妃。又以叛王察八兒親屬賜之。仍命脫烈帖木兒襲封鎮遠王。至大三年。賞牙忽都金千兩。銀七千五百兩。其年六月。察八兒歸命入朝。海山汗告祀太廟。設燕大庭。宗親畢會。牙忽都卽席言曰。昔我成吉思可汗世祖削平三方。惟南土未定。列聖嗣位。未遑統一。至

薛禪可汗

世祖

始混一四海。顧惟宗室諸王。弗克同堂而燕。賴天之